



Universitätsbibliothek Paderborn

Dormi Secvre: Vel Cynosvra Professorvm Ac Stvdiosorvm Eloqventiæ,

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

LXXIII. Parænesis ad zelum indignè conceptum adversus Deum vel
homines.

urn:nbn:de:hbz:466:1-38994

his etiam præbuisse exemplum, uti studia nostra non ad illiberalem quæstum dirigam⁹, sed ad proximorum salutem, & divinæ Majestatis, & gloriæ propagationem.

V. à *Constantia inaudita*, quam exhibuit, quando nullis tyrannorum minis, nullis verberibus & cruciatibus eò potuit adduci Virguncula, ut à suscepta Religione Christiana latum, ut ajunt, unquam discederet.

*Virginitas
ejus per la-
torem cruce
reus fuisse
comprobata.*

In PERORATIONE vehementer erunt animi Auditorum concitandi, ut sanctissimam, Deoq; gratissimam virginem, studiorum nostrorum parentem, omni studio ad imitandum sibi proponant, nullaque ratione committant, ut se vinci patiantur in studiorum palæstra ab virguncula, quin potius ad id omnes suas curas & labores dirigant, ut non solum litterarum scientiam consequantur; sed etiam in fide Catholica ad ultimum vitæ spiritum permaneant, & nullis hæreticorum blanditiis se ab ea abduci patiantur.

LXXIII. PARÆNESIS AD ZELVM,
seu animi æstum, ex indignatione de iis conceptum quæ indignè fiunt vel adversus Deum,
vel adversus homines quos diligimus.

*Joan. 2. v. 15
1. Cor. 9. v. 7.*

EXORDIUM à causa impulsiva. quòd cum hæc ultima mundi senecta paucissimi ardeant zelo Dei & animarum, operæ pretium te facturum existimes, si tantæ virtutis dignitatem, necessitatem, & utilitatem Auditoribus proponas.

CONFIRMAT. I. LOCUS à dignitate virtutis zeli, quæ inde lucet, quòd hoc Dei donum ferè à duabus maximis virtutibus, charitate & religione in Deum proficiscatur. Vnde enim verba illa Pauli Rom. 9. v. 1.
æstum zeli redolentia: *Optabam anathema esse à Christo*

De Div. no-
minibus c. 5.

Christo pro fratribus meis, profecta sunt, nisi ex flagrantissimo amore & desiderio salutis Judæorum promovendæ? Et ideo paulò ante exclamavit: *Quis nos separabit à charitate Christi?* Et S. Dionysius Areop. ait, nomen zelotus idcirco in S. Litteris tribui Deo, quod ingenti amore res à se conditas prosequatur. Adhæc virtus ista in Scripturis maxima tributa est personis in populo Israël dignissimis, ut sacerdotibus, & summis quibusque Prophetis. Phinees Sacerdos, & nepos Sacerdotis, & filius Sacerdotis zelosus erat; zelum habuit & Elias: zelum habuit, etiam Mattathias, Zeli nomine illustres fuerunt Præcurfor Domini, Principes Apostolorum Petrus, gentium Doctor Paulus, & Protomartyr S. Stephanus, atque adeo quotquot post Apostolorum tempora doctrina sanctitateque excelluerunt, iidem hac virtute effloruerunt, ut Cyprianus, Hilarius, Basilius, Ambrosius, Chrysof. Hieronym. Augustin. Greg. Rom. Bernardus.

Syr. 17. 12.
Vnicuique
mandavit
Deus de
proximo
suo.

II. à necessitate, quæ inde patet, quod lege Divina non solum superioribus, sed quibusvis etiam hominibus imperatum est, ut corrigant proximorum lapsus (*Levit. 19. 17. Matth. 18. 15. Ephes. 5. 12.*)

Pf. 81. 6. Ioa.
10. 34.
Hom. 3. in
Gen. Ier. 15.
19.

III. à multiplici utilitate Nam PRIMò, nullare magis quam hac virtute, maximè si fit zelus animarum, Deum demereri possumus. Vnde Sanctus Dionysius Areop. *Divinorum*, ait, *omnium divinissimum est cooperari Deo in conversione peccatorum.* Dei enim, uti est summa per essentiam bonitas, proprium est suam bonitatem communicare omnibus, omnes salutis capaces ad eandem perducere, cuique pro inopia subvenire. Vnde qui in hac re Deum imitantur, divini, imo divinissimi, atque adeo dii sunt nuncupandi. S. Chrysof. *Et scias*, ait, *quantum bonum sit cum salute nostra, & alios lucrari, audi*
Prophe-

Prophetam ex persona Dei dicentem: Qui educit pretiosum à vili, quasi os meum erit. Quid hoc est? Qui ab errore ad veritatem, ait, manduxerit, vel à peccato ad virtutem proximum induxerit pro virili humano me imitatur.

SECUNDÒ, Angelorum patrociniū hoc officio magis demeremur, cum nos socios ipsis adiungimus in procuranda hominum salute. Omnes enim, teste Apostolo, *sunt administratorii spiritus in ministerium missi propter eos, qui hereditatem capiunt salutis.* Hinc sequitur nos Angelico prorsus munere fungi, cum aliorum salutem curandam invigilamus.

Heb. 1. 14.

Vide Chry-

sof. in epist.

ad Hebr.

Hom. 5.

TERTIÒ, Huius virtutis beneficio gentilium facta est conversio in toto orbe terrarum.

QUARTÒ, Ignis huius zeli exurit omnia peccata nostra, eorumque fontem exsiccat: pravas enim cupiditates consumit.

In EPILOGO monendi Auditores, ut tantum studii & laboris in zelo exercendo impendant quantum suggerunt gratiæ divinæ vires, quas ipsis Deus subministrabit; & si fructus conatui non respondeat, atque etiam ludibrio aliorum zelus ipsorum excipiat, non idcirco putent se meriti sui iacturam fecisse, sed memores sint zelum esse actum charitatis quæ omnia suffert. Vnde S. Augustin. c. 3. Joan. *Quis comeditur zelo domus Dei? qui omnia quæ ibi videt fortè per-versa, satagit emendare, cupit corrigere, non quiescit: si emendare non potest tolerat, gemit. Non excutit de area granum, sustinet paleam, viintret in horreum cum palea fuerit separata.*

Matth. 10.

Pf. 68. 10.

Psa. 118. 139.

LXXIV. PARÆNESIS AD FRE- quens orandi studium.

EXORDIUM à tempore. Cùm consuetudine institutoque majorum ita comparatum fit, ut

per